









Ab exemplis hujusmodi recentibus in specie consulti abstrahimus, eaque considerationi Lectoris relinquinimus.

208 Interea concludimus, quod cum juxta certam & unanimum doctrinam à num. 160. usque ad num. 187. positam, impium, iniquum, & graviter peccaminosum sit, causâ Belli etiam justî cum Infidelibus, aut Hæreticis etiam absque positivis conditionibus Ecclesie aut Religionis graviter præjudicialis Fœdus inire, vel auxilium eorum invocare, aut juvare eosdem præsertim contra Catholicos cum gravi scandalo, aut damno Ecclesie & Religionis directe, aut indirecte inde secuturo: Tale autem scandalum, vel grave damnum ac præjudicium Ecclesie, & Religionis Catholicæ ex hujusmodi Fœderibus, & auxiliis petitis, vel præstitis, ordinariè sequantur, juxta dicta; consequens est, quod Prima pars Conclusionis num. 187. postea dicit, videlicet, ordinariè regulariter loquendo, impium, iniquum, illicitum, & graviter peccaminosum, utpote Ecclesie & Religionis directe, vel indirecte graviter præjudicialium esse cum Infidelibus, & Hæreticis bell. Fœdera inire, eosque juvare, vel pro auxilio invocare, præsertim contra Principes Catholicos, etiam si conditiones Ecclesie, & Religionis graviter præjudicialis, aut aliàs positivè iniquæ non adhibeantur.

209 Altera dictæ Conclusionis num. 187. postea pars, scilicet, quod nihilominus dentur aliqui casus, in quibus id licitum est, tunc nempe, quando nullæ adhibentur conditiones Ecclesie, & Religionis præjudicialis, vel aliàs illicitæ, simulque moraliter certò apparet, Fœdus cum Infidelibus, aut Hæreticis inire, vel auxilium illis præstari, aut peti ab isdem manifestè cum emolumento & commodo Ecclesie & Religionis, vel certè nullum exinde scandalum, nec grave aliquod damnum Ecclesie, aut Religionis sequi posse, vel denique si ad averendum majus Ecclesie, ac Religionis malum necessarium videretur. Probatum juvare Anglos quia uti bene advertunt Layman lib. 2. Tr. 3. cap. 12. num. 6. Molina de Justit. & Jur. Tr. 2. Disp. 112. n. ult. Panormitanus in c. 8. de Voto & Voti redempt. num. 15. Decianus vol. 3. Conf. 20. Bocerius Tr. de Bello. cap. 6. num. 16. & alii; Fœdus cum Infidelibus, aut Hæreticis inire, vel auxilium ab eis petere, aut præstare eisdem, non ex se, & naturâ suâ, sed ratione scandali & periculi damnorum quæ Ecclesie, & Religionis inde ordinariè sequuntur, illicitum est; consequenter ubi omne tale periculum abesse moraliter certum videretur, & multo magis, si etiam commodum, & emolumentum Ecclesie inde sequi, vel majus Ecclesie malum averti, aperte conspicitur, id licitum erit.

210 Confirmatur: quando Catholicus aliquis privatus, iniquè, & sine omni justa causa vellet alium Catholicum, vel etiam Saracenum, aut Hæreticum occidere, nemo negat, quin contra iniquum aggressorem possit Catholicus Turcum aliquem, vel Hæreticum, vel hic Catholicum à longè stantem in auxilium vocare, nunquam alteri auxilium impertiri, arg. l. Ut vim 3. ff. de l. & l. cum Concordantiis. Pariter si duo vel tres malirosi Catholicos colluderent, ad occidendum vel spoliandum unum Catholicum, & duos Hæreticos aut Infideles, possint hi tres fœdus inire, de mutuo ferendo auxilio, quandoque aliquis eorum injustam aggressionem à malitiosis illis præstatur, arg. cit. l. 3. ff. de l. & l. ergo ex se, & natura sua malum, & illicitum non est, cum Infidelibus, aut Hæreticis inire Fœdus, vel auxilium illorum implorare, aut id eisdem præstare, sed tantum ratione scandali, aut gravis damni Ecclesie, aut Religionis, quod inde ordinariè sequitur;

aut si conditiones Ecclesie & Religionis præjudicialis adhibentur; sic enim etiam in primùm dictis casibus non possit Catholicus ab alio Catholicò injustam aggressionem patiens, ac timens dicere ad Hæreticum vel Turcum; Jura me, si jura me contra hunc iniquum aggressorem, tuam Scitiam amplectar, vel procurabo, quod Lutherani in hac, aut illa Provincia Catholica habere possunt liberum exercitium Religionis suæ, vel, quod eis cedatur hæc vel illa Civitas, vel Provincia Catholica &c. vel committam adulterium &c. Et ex hac secunda parte Conclusionis inferuntur sequentes doctrinæ practice.

I. Possit Imperator auxilium præstare Regi Suecicæ contra Regem Danicæ, vel Prussicæ, vel huic contra illum hæc conditione, si auxilium accipientes restituere velit Ecclesie hunc, aut illum Episcopatum, vel cedere auxilianti Catholicò hanc vel illam Civitatem, aut permittere in suis acatholicis Provinciis edificationem Ecclesiarum Catholicarum, atque prædicationem, & exercitium Religionis Catholicæ; dummodò auxiliatricibus Copiis Catholicis boni adjungantur castrenses Pastores, & Capellani Catholici; bellique Ducibus in mandatis detur, quatenus Copias Catholicas ita servant conjunctas, aut dispositas, & collocatas, talique modo regant, ut nullum periculum scandali Copiis Catholicis secuturi prudenter timeri valeat.

II. Possit idem Romanus Imperator aliquis, aut Respublica Veneta, adhibita præfata de evitendo omni periculo scandali cautè auxiliare Copias præbere Turcarum Imperatori contra Persas, vel alios Infideles, hæc conditione, si Turca auxilianti Catholico credat aliquod Regnum, Provinciam aut Insulam, v. g. Serviam, Candiam, vel Terram sanctam, vel si permittant liberum Catholicæ Religionis exercitium in suis Regnis &c.

III. Possit Rex Gallicæ, vel Hispanicæ, vel alius Princeps Catholicus in Bello justo juvare Anglos contra Hollandos nunc hæreticos, vel hos contra illos cum simili conditione evidentè utili Ecclesie, & Religionis Catholicæ, v. g. si Angli iterum admittant in Hibernia Pastores Catholicos & Religiosos, etque Monasteria restituant; vel si exercitium Religionis Catholicæ liberum in tota Anglia permittant &c. aut Catholicis aliqua cedatur Provincia. Ratio patet, quia in his tribus & similibus abest scandalum, & Ecclesie damnum, simulque abest evidens ipsius commodum.

IV. Possit Princeps Catholicus quisvis Infideles, aut Hæreticos invocare pro auxilio contra illos Infideles, vel Hæreticos, v. g. Regem Danicæ, & Prussicæ contra Regem Suecicæ, hos & alios Hæreticos, vel etiam Regem Persarum contra Imperatorem Turcarum; dummodò id fiat sine aliqua Ecclesie & Religionis graviter præjudiciali conditione, & sufficienter præcaveatur scandalis: Unde teste Pignatelli Tom. 9. cons. 185. num. 89. Strumius in lib. de Administrat. bell. Turc. p. 3. suadet Imperatori Catholico, ut perpetuum Fœdus habeat cum Mosco, & Persarum Rege contra Imperatorem Turcarum, & Engel de Treuga & pace testatur de Communi DD. licere Principi Catholico invocare pro auxilio Infideles, aut Hæreticos contra alios Infideles, vel Hæreticos.

V. Possit Princeps Catholicus Infideles, aut Hæreticos, contra alios Infideles, aut Hæreticos cum modico, aut minore Ecclesie præjudicio pro auxilio invocare, casu quo inde omnino necessarium esset, ad evitandum longe majus Ecclesie, aut Religionis damnum; ut si evidens, aut humanitus certum esset, quod Princeps Catholicus v. g. Imperator, aut Rex Gallicæ sufficientibus propriis, & aliorum Catho-

holicorum auxilio carens, Infidelibus vel hæreticis, cum quibus bellum gerit, integrum Regnum, aut plures Provincias cedere debeat, nisi Infideles, aut hæreticos alios vocet, & adhibeat pro auxilio; quale hi sine aliqua modica, aut minore Ecclesie præjudicio, v. g. nisi Religiosis Catholicæ exercitium in certa aliqua Civitate, vel Provincia Catholica permittatur, aut nisi Civitas aliqua eidem cedatur, nec præstarent. Ratio patet; quia inter duo Ecclesie mala, utique minus eligere, & permittere oportet, si utrumque evitare, sed alterutrum necessariò permittere debemus arg. can. Hac ratio- ne. 9. cau. 31. q. 1. & l. Legis virtus. 7. ff. de Legib. cum Concordantiis.

216 VI. Potest Princeps Catholicus in bello aperte justo Infideles, aut Hæreticos pro auxilio invocare contra alios, etiam Catholicos, si absque ulla conditione Ecclesie, & Religionis præjudiciali id facit, ac ceteroquin tales circumstantias adhibet, ut moraliter certum appareat, nullum exinde grave damnum, vel præjudicium nec Ecclesie aut Religionis in communi, nec locis, rebus, ac personis sacris secuturum; si v. g. Infideles, aut hæreticos Copias pro certa mercede pecuniaria assumit non in magna, sed in modica, vel tali quantitate, ut cum exercitio suo notabiliter excedens eas, disciplinam militarem exactè servare, & cavere possit, ne tales Infidelium, aut hæreticorum Copie respectu Ecclesiarum, Monasteriorum, aliarumque rerum, personarum, & locorum sacrorum, ruinas, injustas spoliaciones, rapinas, violentias, aut alia sacrilegia committant, simulque à periculosa, & scandalosa conversatione cum Catholicis abstineant.

217 Minimè verò potest Princeps Catholicus Infideles, aut Hæreticos contra Catholicos pro auxilio invocare & adhibere in tali quantitate, vel talibus cum circumstantiis, ut prudenter prævideat, se cohibere non posse, quin grave damnum, & præjudicium Ecclesie & Religionis Catholicæ inde sequatur, vel saltem respectu locorum, rerum, & personarum sacrarum, multæ & graves ruinae, rapine, & violentiæ, sacrilegia &c. ut cum aliis bene advertit March. Tom. 2. Tr. 6. Tit. 3. q. 1. dub. 4. Resolut. 2.

218 Nec excusat Principem Catholicum, si dicat, se ita nec velle, nec intendere, sed quia prohibere non potest, præcisè permittere: nam ut bene ex D. Thoma 1. 2. q. 20. art. 5. & q. 73. a. 8. communis Theologorum arguit, hoc ipso, quod Princeps certò prævideat, se prohibere non posse, quin similia mala Ecclesie, vel Religionis sequantur, si Infideles, aut Hæreticos pro auxilio implorat, præfata indirectè velle, eorumque coram Deo reus esse censetur, si hujusmodi auxilium nihilominus adhibet: Quod Theologicè ulterius egregiè deducit, & exemplis declarat Pignatelli cit. Tom. 9. Consultat. 185. à num. 119. usque ad num. 136. quem lege.

219 Multò minùs potest Princeps Catholicus invocare Infideles, vel Hæreticos pro auxilio contra alium Principem Catholicum cum conditione aliqua Ecclesie aperte præjudiciali, & damnosa, v. g. Si juvatis me, cedam vobis hanc vel illam Civitatem, Provinciam Catholicam &c. vel, quidquid de Terris, Regnis, Provinciis Adversarii mei Catholici obtinuerimus, vel occupaverimus, inter nos dividamus: vel Relinquam vobis, vobisque maneat illa certa Provincia. vel Civitas Catholica, si illam ab Adversario meo occupaverimus. Cum enim hæc, aut similes conditiones sint graviter præjudicialis, & damnosæ Ecclesie ac Religionis Catholicæ, ut consideranti patet, neutiquam licet Principi Catholico sub aliqua eorum invocare Infidelium, aut Hæreticorum Jus Can. Tom. V.

reticorum auxilium pro recuperanda, vel conservanda re temporali, quantumvis Jure sibi debeat, prout ex unanimi, & certâ Doctorem amplius diximus supra num. 160.

Breviter autem recapitulando prolixius dicta à num. 156. hucusque, certa ac indubitata sunt sequentia, I. Certum est, non licere Principi Catholico inire Fœdus cum Infidelibus, aut Hæreticis, nec auxilium eis præbere, nec petere ab iis in Bello patenter injusto, sive contra Catholicos, sive Acatholicos juxta dicta numer. 157.

Certum est II. Quòd Princeps Catholicus nec vi Fœderis, nec aliàs præbere possit Infidelibus auxilium ad bellum pro dilatanda, aut promovenda sua, & inferenda, restringenda, aut minuenda nostra verâ Religionis directè aut indirectè institutum, aut institutum pro dicta num. 158.

Certum est III. Quòd Princeps Catholicus sine gravissimo peccato Mortali Infidelibus, aut Hæreticis nec auxilium possit præbere, nec auxilium ab eis petere, vel Fœdus cum illis inire contra alios præsertim Catholicos cum conditionibus Ecclesie, & Religionis Catholicæ graviter præjudicialis, vel si inde certò secuturo prævideatur grave damnum aut præjudicium Ecclesie, vel Religionis Catholicæ, juxta dicta n. 159. item n. 160. & seq. usque ad num. 184. ac num. 217.

Communissima ulterius, quasi unanimis, & certa doctrina est IV. Quòd, est conditiones Ecclesie, & Religionis Catholicæ, præjudicialis non adhibeantur, & grave aliquod præjudicium, vel damnum inde secuturum non prævideatur, tamen ordinariè, & regulariter loquendo, illicitum si Principi Catholico cum Infidelibus, aut Hæreticis inire Fœdus, vel eorum auxilium invocare, vel juvare eosdem contra alios saltem Catholicos, juxta dicta num. 185. usque ad num. 209.

Quibus non obstantibus probabilè & tutum est, quòd si nullæ adhibentur conditiones Ecclesie, vel Religionis graviter præjudicialis, aut aliàs iniquæ, & negotium ita tractetur, ut grave aliquod Ecclesie damnum sequi non possit, moraliter certò cognoscatur, possit Princeps Catholicus Fœdus inire cum Infidelibus & Hæreticis, vel auxilium eorum invocare contra alios Infideles, vel Hæreticos; item possit eosdem juvare contra alios Infideles, vel Hæreticos, præsertim cum conditionibus Ecclesie utilis, vel cum emolumento inde secuturo juxta dicta à num. 209. Item possit etiam id facere in Bello aperte justo contra alium Catholicum Principem, si omne Ecclesie, ac Religionis damnum & periculum illius certò abest, juxta dicta num. 216.

Ignoscat benevolus Lector, quòd materiam hanc de Fœdere Catholicorum cum Infidelibus, & Hæreticis, atque auxilio, quod petitur ab illis, vel præstatur eisdem, tam prolixè, repetendo etiam subinde aliqua, egerimus: Impulit ad hoc amor & cura erga Ecclesiam & Religionem Catholicam, quæ à plurimis jam annis passâ est, & etiamnum patitur gravissima, lachrymis sanguinis deploranda damna ac præjudicia in diversis terræ partibus præsertim in Europa ex eo, quòd plures Principes Catholicos præter, vel neglectâ, & non observatâ supradictâ quantumvis certâ doctrinâ, sequendo sola principia politica & factica pro obtinendis, vel conservandis bonis temporalibus, pro dilatanda, & exaltanda Domino sua, alioque hujusmodi sine temporali cum Infidelibus vel Hæreticis Belli Fœdus inire, eorumque auxilium invocare, vel præbere eisdem contra alios etiam Catholicos sub condicio-

nibus Ecclesie & Religionis graviter præjudiciosis, vel aliis cum gravi ejusdem damno, ac præjudicio summè peccaminose passim præsumperint. Infinita Dei bonitas faciat, ut vel unicus Princeps Catholicus, vel Consiliarius, aut Confessarius horum lesione pro avertendis tot, tantisque Ecclesie & Religionis damnis, indeque subsequente tot animarum jactura moveatur.

215 Quæritur III. An liceat Principi Catholico contra Hæreticos ob solam Hæresin bellum gerere, eosque bello adigere, ut Hæresin deferentes, veram amplectantur Religionem? Resp. I. Loquendo de Jure communi, & nisi publicæ, validæque pacis, vel alius legitimus contractus & pactum publicum existat, non tantum possunt, sed tenentur Principes Catholici contra Hæreticos sibi subditos, ob solam Hæresin bellum gerere, eosque bello expugnare, si alio modo eos coercere non valent. Communis & certa. Patetque ex dictis supra à num.

139. ubi ex Jure utroque, & ratione probavimus, quod Principes Catholici tolerare in suis Territoriis non possint, sed exterminare teneantur Hæreticos sibi subditos; ergo si id aliter quam bello præstare nequit, Hæreticis forsitan invalescentibus, aliorum Hæreticorum auxilium implorantibus, utique bello eos expugnare potest, ac tenetur Princeps Catholicus.

216 Dicitur tamen notanter, nisi publicæ validæque pacis, vel alius legitimus contractus vel pactum obset; quia cuiusvis etiam Infideli, & Hæretico fides servanda est prout amplius diximus supra num. 150. merito tamen num. 151. addentes, nisi nova justa causa superveniat, ob quam justè ejici valent, ut si v. g. periculosas machinationes, aut alia enormia, vel graviter præjudiciosa præparant, aut perpetrant contra veram Religionem, Principem, Provinciam, pacem publicam &c. juxta dicta num. 151. & Tit. præced. num. 8.

217 Ceterum ex Conclusionem infertur, non solum posse, sed & teneri Principem Catholicum, qui in suo Territorio Hæreticos nunquam recepit, vel semel receptos, justè iterum expulit, v. g. Imperatorem, Regem Gallie, Hispanie &c. bellum contra Hæreticos gerere, & bello illo impugnare, si v. g. in Bohemiam, Austriam, Galliam, Hispaniam se rursus intrudere vellent, aut ibidem occultè intrusi jam invalescere inciperent, aut si proprii Subditi à vera Fide deficere attentarent.

218 Resp. II. Quamvis Princeps Catholicus propria autoritate non possit ob solam Hæresin gerere bellum contra Hæreticos sibi non subditos, tamen licet, & merito justè hoc potest autoritate summi Pontificis ad id exhortantis, suadentis, vel mandantis. Prima pars Conclusionis patet ex dictis in simili de Judæis Tit. præced. ob eandem verè rationem, præsertim verò, quia caret omni jurisdictione &c.

219 Secunda pars probatur; quia Papa tanquam supremus & universalis Ecclesie Pastor habet jurisdictionem in omnes Christi Fideles, etiam Hæreticos, utpote qui per Baptismum tanquam januam, Ecclesiam ingressi, veri Subditi illius facti sunt, & semper manent; etiam si in factò rebelles & inobedientes ei sese exhibeant; consequenter sicut Princeps profanus suos Subditos rebelles, vel à Fide deficientes & ad Hæresin deviantes bello coercere, & expugnare potest per dicta num. 225. sic idem per se, vel per alios ad id invocatos, aut demandatos, atque hi de voluntate vel mandato, consequenter autoritate ipsius poterunt.

220 Confirmatur: Præcipua ratio, quare non liceat Principibus Catholicis Judæos, aut Infideles propter solam Infidelitatem, aut Judæismum impugnare est; quia deest eis jurisdictione puniendi, & bello

coercendi Infidelitatis crimina alienorum sibi non subditorum, prout amplius diximus Tit. præcedent. num. 47. atqui hæc ratio cessat in casu, quo Princeps Catholicus ob solam Hæresin bellum gerit contra Hæreticos sibi non subditos, autoritate Summi Pontificis; utpote cui plena competentè jurisdictione etiam in Hæreticos, & in criminorum, non obstante rebellionem illorum; imò quò magis eisdem rebelles sunt, eò majorem causam habet, illos bello per se, vel per alios coercendi; præsertim ubi eos nimium invalescere, & nisi bello coercerentur, pacem Ecclesie per eos turbari, gravique mala, ac præjudicia inferri, aut certò Ecclesie imminere cernitur; quia sicut juxta dicta, rebellio Subditorum erga Principem seu potestatem secularem, aut si per illos pax Reipublice injustè turbatur, justam causam Principi præbet, Subditos bello coercendi, ita multò magis justam causam belli præbet, si Subditi rebelles sunt contra potestatem, & Caput suum spirituale, pacemque Reipublice Christianæ, seu Ecclesie Catholice perturbant; cum hæc rebellio longè pejor sit illa, & longè majus malum commune sit turbatio pacis respectu Religionis & Ecclesie, quam politice Reipublice.

Accedit, quòd Hæretici unà cum pace Ecclesie, plerumque etiam perturbent pacem Reipublice politice: Tum quia, ubi non est unitas Fidei, ibi pax Reipublice diu conservari nequeat: Tum quia Hæretici sunt superbi, ubi autem superbia, ibi discordia.

Nec dicant Hæretici, se nec Reipublice politice, nec Ecclesie turbare pacem: Nam contra exempla clamant innumera, & continua quasi experientia, quæ quærit, quas turbationes tam respectu Ecclesie, quam respectu Reipublice politice ubique semper causarint, & etiamnum causent Hæretici. Quis enim vel parùm eruditus ignorat, quas turbationes respectu utriusque causarint in toto Oriente Ariani? quas in Græcia Macedoniam? quas in Africa Donatistæ? quas in Romano Imperio Lutherani, & Calvinistæ? quas iidem in Hungaria, & Polonia? quas Hussitæ in Bohemia? quas Hugonotes, & Calvinistæ in Gallia, Anglia, Belgio? quos Hæreticos subditos suos, sive alienos proprii, sive alieni, videlicet Pontificiæ autoritate, si Principes Catholici seposita omni emulatione, ac inordinato amore, aut interesse proprio saltem in principio, antequam invalescebant, bello compescissent, innumera eaque gravissima tam Ecclesie, & Religionis, quam Reipublice communia mala, ac innumerabilium animarum ruinam videre non fuisset, nec defectò esset.

Dicitur autem notanter in Conclusionem: Nisi publicæ validæque pacis, aliusve legitimus contractus, aut pactum publicum obset; quia sicut Infidelibus, sic etiam Hæreticis servanda est fides publica, arg. l. Sicut. 5. C. de Obligat. & Aff. & c. Noli. cau. 13. q. 1. cum Concordantiis. Et ad longum probat Layman lib. 2. Tr. 3. cap. 13. num. 15. per totum: ubi etiam docet, quòd Principes Catholici Fideles, aut pacem publicam cum Infidelibus, aut Hæreticis intant, Papa tollere aut relaxare etiam ex parte Catholici nequeat; quæ tamen intelligit; dummodò tale Fædus, aut alius Contractus publicus ex objecto malus vel iniquus non sit: Nam hoc ubi esset, utique etiam publicum hujusmodi Fædus, aut pacis Tractatum tollere, & relaxare posset, prout actò fecit juxta dicta supra num. 154.

## De Pœnis spiritualibus Hæreticorum.

## SUMMARIUM.

- 234 Sola Hæresis formalis.  
 235 Externa contrahit penas spirituales.  
 236 Quid requiratur, quòd sit, & dicatur externa?  
 237 Pœna spirituales Hæresis enarrantur in compendio.  
 238 Quævis Hæresis ipso facto inducit Excommunicationem Papa reservatam.  
 239 Si est formalis.  
 240 Et externa.  
 241 Animo eam asserendi manifestò seu externè prolata.  
 242 Atque peccaminosa.  
 243 Doctrina prædicta ad propositum de Hæresi Formali externa, usque ad num. 247.  
 247 Excommunicationem dictam Papa reservatam ipso facto incurrit etiam credentes Hæretici. Et num. seq.  
 249 Item eorum Receptores,  
 250 Defensores.  
 251 Et Fautores.  
 252 Et qui horum aliquem sepeliunt.  
 253 Receptores, Defensores, & Fautores Hæreticorum sunt excommunicati, etsi sint tales solus omittit, aut consanguinitatis causa.  
 254 Hæretici publici.  
 255 Et probabiles etiam occulti sunt irregulares.  
 256 Hæretici omnes, eorumque Receptores, Defensores, & Fautores sunt inhabiles ad Beneficia, & Officia Ecclesiastica.  
 257 Et tenentur Beneficium in Hæresi receptum, imò cum fructibus dimittere, & restituere.  
 258 Etiam si convertantur, & Hæresin abjurent, si scire notorii Hæretici.  
 259 Nam etiam occulti Hæretici post conversionem manent inhabiles, controversa est apud Doctores.  
 260 Sunt insuper privati Beneficium prius obtentis.  
 261 Ad quam tamen juxta aliquos requiritur Sententia condemnatoria Judicis.  
 262 Sed verius est, eam non requiri.  
 263 Solvitur objectio contra hanc doctrinam.  
 264 Et confirmatur consuetudine, & stylo Curie Romanæ.  
 265 Requiritur tamen sententia declaratoria criminis commissi.  
 266 Hinc ob Hæresin occultam nemo tenetur restituere Beneficium prius obtentum.  
 267 Hæretici, eorumque Receptores, Defensores ipso Jure privantur etiam Sepultura Ecclesiastica. Quid Juris, si Hæreticus in loco sacro sepellatur? Ibid.  
 268 Filii, Nepotes etiam Catholici Patris heretici, soli autem Matris heretice filii sunt inhabiles ad Officia, & Beneficia Ecclesiastica. Et num. seq.  
 270 Nisi Parentes eorum ante mortem se convertant.  
 271 Quamvis conversi Parentes manent adhuc inhabiles.  
 272 Sicut & controversorum filii, si sunt de lapsis in Hæresin parentibus.  
 273 Secundum aliquos Filii, & Nepotes Hæreticorum in Germania non sunt inhabiles ad Beneficia.  
 274 Statuitur, & probatur sententia contraria.  
 275 Cui non derogant publica Pacta & Fædera cum Hæreticis in Germania inita.

276 Infamia non est causa, ob quam Hæreticorum filii sint irregulares, & inhabiles.  
 277 Probatur ad hominem.

278 Non est universalis consuetudo in Germania admittendi Hæreticorum filios ad Beneficia.

279 Cùm de contrario experientia consiet.

280 Si alicubi viget dicta consuetudo, legitime præscripta, valet, si probari potest; quòd difficile est.

281 Filii Hæreticorum &c. ipso facto etiam privantur Beneficium prius ritè obtentis.

282 Non tantum post, sed etiam ante lapsum parentum in Hæresin ritè obtentis, uti contra Sanchez & alios habet probabilior & Juri conformior, usque ad num. 286.

286 Spiritualibus Pœnis subjacent Hæreticorum filii etiam ante lapsum parentum in Hæresi nati.

287 Ut magis castigentur in Filii Parentes. Filii innocentes ob delicta parentum divino, & humano judicio puniri solent. Ibid.

288 Probatur aliâ ratione.

289 Et consuetudine Legem interpretante.

290 Plures probabiliter cum Sanchez docent, filios Hæreticorum ante eorum lapsum natos, non incurvere penas Jwis.

291 Qui per preces Hæretici Beneficium obtinent, privantur si obtento, & sunt inhabiles ad aliâ.

Notandum, duplicis generis esse pœnas contra Hæreticos utroque Jure latas, Spirituales videlicet, & Temporales. De illis in præsentis, de istis verò in sequenti §. agemus.

Quæritur itaque I. Quænam Hæresis, & quas in compendio contrahat Pœnas spirituales? Resp. I. Omnis, & sola Hæresis formalis externa spirituales pœnas coram Deo, & in conscientia contrahit. Communis, & certa. Ratio prima partis, videlicet, quòd omnis, & sola formalis pœnas secum trahat, est; quia materialis Hæresis, nec vera Hæresis, nec culpa, vel peccatum est juxta dicta supra n. 12. consequenter nullam pœnam meretur. Palao de Hæresi. tr. 4. Disp. 3. n. 16. Sanchez lib. 7. cap. 7. num. 8. cum ubi nulla culpa, ibi nulla sit pœna, per vulgaria Juris.

Dicitur autem notanter, coram Deo, & in conscientia, quia in Foro externo quævis Hæresis externa ordinariè præsumitur formalis; cum Judicis tam Ecclesiastici, quam Sæculares in Foro externo judicent secundum externa, hoc ipso, quòd interna cognoscere nequeant, c. Sicut. 33. de Simonia. Farinacius de Hæresi. q. 179. num. 55. & seqq. Palao loc. cit. num. 17. bene advertens, quòd alius quivis Hæreticus pœnas in Foro externo facile eludere possit dicendo, se internè aliter sensit, & veram habuisse Fidem.

Ratio secunda partis, videlicet, quòd omnis & sola Hæresis externa pœnas secum trahat, est; quia cogitationis pœnam nemo patitur, cum Cogitationis. 14. de Penitent. disp. 1. cum Ecclesia, quæ non judicat de occultis, c. Sicut. 33. de Simonia, sed tantum de manifestis, occulta & interna seu mentalia distribitò Judicis Deo (qui scrutator est cordium, & secretorum cognitor) relinquunt puniendâ, c. Tria nos 34. eod.

Ubi tamen advertendum, Hæresin externam, in ordine ad contrahendas pœnas spirituales, sufficere esse & dici, si signo, verbo, vel factò aliquo Hæresin internam sufficienter expressivo in ordine ad eam externè manifestandam posita, aut prolato manifestatur, etiam si quis in occulto, & nemine proflus præsentis id faciat, Sanchez lib. 2. Moral. cap. 8. num. 6. Pirhing h. r. num. 16. Layman lib. 2. tr. 1. cap. 14. Barbosa de Offic. & Reiffenstuel Jus Can. Tom. V.